

## SAMANTEKT Á EIGINLEIKUM LYFS

### 1. HEITI LYFS

Tafil 0,25 mg, 0,5 mg og 1 mg töflur.

### 2. INNIHALDSLÝSING

Alprazolam 0,25 mg, 0,5 mg og 1 mg.

#### Hjálparefni með þekkta verkun

Hver tafla inniheldur 96 mg af laktósa og 0,11 mg af natríumbensóati (E211).

Sjá lista yfir öll hjálparefni í kafla 6.1.

### 3. LYFJAFORM

Tafla.

0,25 mg taflan er hvít, kúpt og sporöskjulaga með deiliskoru. Taflan er merkt „Upjohn 29“ á annarri hliðinni og er með deiliskoru á hinni.

0,5 mg taflan er bleik, kúpt og sporöskjulaga með deiliskoru. Taflan er merkt „Upjohn 55“ á annarri hliðinni og er með deiliskoru á hinni.

1 mg taflan er fjólublá, kúpt og sporöskjulaga með deiliskoru. Taflan er merkt „Upjohn 90“ á annarri hliðinni og er með deiliskoru á hinni.

### 4. KLÍNÍSKAR UPPLÝSINGAR

#### 4.1 Ábendingar

Tafil er ætlað til skammvinnrar meðferðar við kvíðaeinkennum hjá fullorðnum. Eingöngu á að nota Tafil þegar sjúkdómurinn er alvarlegur, skerðir starfsgetu og er verulega íþyngjandi fyrir sjúklinginn.

#### 4.2 Skammtar og lyfjagjöf

*Lengd meðferðar:* Eingöngu á að nota á minnsta virkan skammt af Tafil, í eins stuttan tíma og hægt er og að hámarki í 2-4 vikur. Þörfina á áframhaldandi meðferð skal meta reglulega. Mælt er gegn langtíðameðferð. Hættan á ávanabindingu getur aukist með skammtastærð og meðferðalengd (sjá kafla 4.4)

#### Skammtar

##### **Fullorðnir:**

Tímabundið kvíða- og óróleikaástand: 0,5-1,5 mg þrisvar sinnum á sólarhring.

Það getur verið gagnlegt að upplýsa sjúkling í upphafi meðferðar að um tímabundna meðferð sé að ræða og hvernig skammtar lyfsins verða minnkaðir smám saman.

Krónískir alkohólistar og sjúklingar, sem hafa ekki fengið geðlyfjameðferð áður, þurfa venjulega minni skammta en sjúklingar, sem hafa áður fengið meðferð með róandi lyfjum, þunglyndislyfjum eða

svefnlyfjum. Mælt er með því að nota minnstu virku skammta svo koma megi í veg fyrir ósamhæfðar hreyfingar vöðva og slævingu.

#### **Meðferð haett:**

Lyfjaskammta skal minnka smám saman til þess að koma í veg fyrir fráhvarfseinkenni.

#### **Börn:**

Tafil er ekki ætlað börnum og unglungum yngri en 18 ára, þar sem ekki hefur verið sýnt fram á öryggi og verkun hjá þessum sjúklingahópi.

#### **Aldraðir:**

Minnka skal skammta, t.d. 0,5-0,75 mg á sólarhring gefið í nokkrum skömmum. Auka má skammta smám saman eftir þörfum sjúklings ef þeir þola lyfið vel.

#### **Skert nýrnastarfsemi:**

Gæta skal varúðar ef lyfið er gefið sjúklingum með skerta nýrnastarfsemi (sjá kafla 4.4). Minnka skal skammta.

Blóðskilun og í meðallagi skert nýrnastarfsemi hafa ekki veruleg áhrif á lyfjahvörf.

#### **Skert lifrarstarfsemi:**

Umbrot alprazólams taka lengri tíma hjá sjúklingum með lifrarsjúkdóma af völdum áfengisneyslu. Gæta skal varúðar ef lyfið er gefið sjúklingum með skerta lifrarstarfsemi (sjá kafla 4.4). Minnka skal skammta.

### **4.3 Frábendingar**

Tafil er ekki ætlað til notkunar fyrir sjúklinga með:

- Ofnæmi fyrir virka efninu, öðrum benzódíazepínum eða einhverju hjálparefnanna sem talin eru upp í kafla 6.1.
- Vöðvaslensfár (myasthenia gravis).
- Kæfisvefn.
- Alvarlega skerta lifrarstarfsemi, vegna hættu á heilakvilla (encephalopathy).
- Bráða öndunarskerðingu.

### **4.4 Sérstök varnaðarorð og varúðarreglur við notkun**

#### **Lengd meðferðar**

Meðferðartímabil skal vera eins stutt og hægt er og ekki lengra en 2-4 vikur (sjá kafla 4.2). Meðferð skal ekki vara lengur en þennan tíma án endurmats á ástandi sjúklings.

Það getur verið gagnlegt að upplýsa sjúkling í upphafi meðferðar að um tímabundna meðferð sé að ræða og útskýra nákvæmlega hvernig skammtar lyfsins verða minnkaðir smám saman. Vísbendingar eru um að fráhvarfseinkenni geti komið fram á tímabilinu á milli skammta þegar benzódíazepín með stuttan verkunartíma eru notuð, einkum þegar um stóra skammta er að ræða.

Þegar benzódíasepín með langan verkunartíma eru notuð er mikilvægt að upplýsa sjúklinginn um að þegar skipt er frá langverkandi benzódíazepínum yfir í stuttverkandi benzódíazepín geti fráhvarfseinkenni komið fram.

Samhliða notkun benzódíazepína og óþróða getur valdið verulegri slævingu, öndunarbælingu, dauðadái eða dauða. Nauðsynlegt er að takmarka skammta og veita meðferð í eins skamman tíma og unnt er.

## **Sérstakir sjúklingahópar:**

### **Börn**

Tafil er ekki ætlað börnum og unglungum yngri en 18 ára, þar sem ekki hefur verið sýnt fram á öryggi og verkun hjá þessum sjúklingahópi.

### **Sjúklingar með skerta nýrna- eða lifrarstarfsemi**

Gæta skal varúðar við meðferð sjúklinga með skerta nýrnastarfsemi eða vægt til miðlungs skerta lifrarstarfsemi. Minnka skal skammta.

### **Aldraðir sjúklingar**

Nota skal minnsta virka skammt, sérstaklega hjá öldruðum og/eða lasburða sjúklingum til að koma í veg fyrir minnkaða samhæfingu og of mikla slævingu. Sjá meðferð fyrir aldraða í kafla 4.2.

Gæta skal varúðar við notkun benzódíazepína og annarra skyldra lyfja hjá öldruðum, þar sem sljóleiki og/eða vöðvaslappleiki getur aukið hættuna á að detta sem hefur oft alvarlegar afleiðingar.

### **Misnotkun**

Gæta skal ýtrstu varúðar við notkun benzódíazepínlyfja hjá sjúklingum sem hafa sögu um áfengis-eða lyfjamisnotkun (sjá kafla 4.5).

### **Punglyndi og sjálfsmorðshugsanir**

Ekki skal ávísa benzódíazepínum og benzódíazepínlíkum lyfjum sem einlyfjameðferð við þunglyndi, þar sem það getur framkallað eða aukið hættuna á sjálfsvígi. Hjá sjúklingum með vísbendingar eða einkenni um þunglyndi eða sjálfsvígshættu, skal nota Tafil með varúð og skal ávísa takmörkuðu magni lyfsins.

Tilkynnt hefur verið um ólmhug (hypomania) og oflæti (mania) hjá þunglyndissjúklingum sem fá meðferð með alprazólami.

### **Lungnasjúkdómar**

Minnka skal skammta hjá sjúklingum með langvinna lungnasjúkdóma vegna hættu á öndunarbaelingu og öndunarstoppi.

### **Þol**

Slævandi áhrif geta minnkað að einhverju leyti eftir endurtekna meðferð í nokkrar vikur.

### **Ávanabinding**

Notkun benzódíazepínlyfja getur haft í för með sér ávanabindingu, bæði líkamlega og sálraena. Eins og við á um önnur benzódíazepínlyf, eykst hættan á ávanabindingu með stærð skammta og meðferðarlengd. Sjúklingar með sögu um lyfja- eða áfengismisnotkun eða greinilega persónuleikatrufun eru í meiri hættu en aðrir. Lyfjaávanabinding getur komið fram við ráðlagða skammta og/eða hjá sjúklingum með engan einstaklingsbundinn áhættuþátt. Hættan á ávanabindingu er aukin þegar notuð eru nokkur benzódíazepínlyf samhliða, óháð því hvort þau eru notuð í kvíðastillandi eða róandi tilgangi. Hætta á lyfjamisnotkun er þekkt við notkun alprazólams og annarra benzódíazepínlyfja og því þarf að fylgjast með sjúklingum þegar þeir fá alprazólam. Hægt er að misnota alprazólam. Greint hefur verið frá dauðsföllum í tengslum við ofskömmutun, þegar alprazólam hefur verið misnotað með öðrum efnunum sem bæla miðtaugakerfið, þ.m.t. óþróunar, öðrum benzódíazepínlyfjum og áfengi. Hafa verður þessa áhættu í huga við ávísun eða afhendingu alprazólams. Hægt er að minnka áhættuna með því að láta sjúklinga fá minnsta virkan skammt og ráðleggja þeim að geyma og losa sig við ónotað lyf á réttan hátt (sjá kafla 4.2, 4.8 og 4.9).

Þegar líkamleg ávanabinding hefur þróast koma fráhvarfseinkenni fram þegar notkun benzódíazepínlyfja er skyndilega hætt, þ.m.t. alprazólams. Fráhvarfseinkennin geta verið væg röskun á vöðvaspennu, svefntruflanir, höfuðverkur, vöðvaverkir, mikill kvíði, streita, eirðarleysi, ringlun og pirringur. Eftirfarandi einkenni geta komið fyrir í alvarlegum tilfellum: Rofin raunveruleikatengsl,

sjálfshvarf, ofurnæm heyrn, náladofi í útlínum, ofurnæmi fyrir ljósi, hljóði eða snertingu, ofskynjanir, flog, krampar í maga og vöðvum, uppköst, svitahneiting, skjálfti og krampaflög (sjá kafla 4.2 og 4.8).

### **Endurkoma svefnleysis og kvíða**

Skammvinnt heilkenni getur komið fram þegar einkennin, sem leiddu til meðferðar með benzódíazepíni, koma fram aftur þegar meðferð er hætt, öflugari en áður. Því geta fylgt önnur viðbrögð, þ.m.t. skapsveiflur, kvíði eða svefntruflanir og eirðarleysi. Þar sem hætta á fráhvarfseinkennum/endurkomueinkennum er meiri ef meðferð er hætt skyndilega, er mælt með því að skammtar séu minnkaðir smám saman.

### **Geðræn og þversagnakennd viðbrögð**

Viðbrögð, svo sem eirðarleysi, uppnám, pirringur, árásargirni, ranghugmyndir, ofsareiði, martraðir, ofskynjanir, geðrof, óviðeigandi hegðun og önnur hegðunarvandamál, hafa komið fram við notkun benzódíazepínlyfja. Hætta skal lyfjameðferð ef einhverjar þessara aukaverkana koma fram. Þessar aukaverkanir koma oftar fram hjá börnum og öldruðum.

#### **Minnisleysi:**

Benzódíazepínlyf geta framkallað framvirkt minnisleysi. Minnisleysið kemur oftast fram nokkrum klukkustundum eftir að lyfið er tekið og því er mikilvægt að tryggja sjúklingum 7-8 klst svefn án truflana, til að draga úr hættunni.

#### **Hjálparefni**

Tafil inniheldur laktósa. Sjúklingar með arfgengt galaktósaóþol, algjoran laktasaskort eða glúkósagalaktósa vanfrásog, sem er mjög sjaldgæft, skulu ekki taka lyfið.

Tafil inniheldur minna en 1 mmól (23 mg) af natríum í hverri töflu, þ.e.a.s er sem næst natríumlaust.

### **4.5 Milliverkanir við önnur lyf og aðrar milliverkanir**

Samhliða notkun ópíóíða, áfengis og annarra lyfja sem hafa bælandi áhrif á miðtaugakerfið eykur bælandi áhrif benzódíazepína á miðtaugakerfið, þ.m.t. öndunarbælingu (sjá kafla 4.4).

Samhliða notkun áfengis er ekki ráðlögð.

Gæta skal sérstakrar varúðar við notkun lyfja sem bæla starfsemi öndunarfæra, svo sem ópíóíða (verkjalyfja, hóstastillandi lyfja, lyfja til uppbótarmeðferðar við fíkn), einkum hjá öldruðum. Ef töflurnar eru tekna samhliða ópíóíðum getur komið fram aukin vellíðan sem getur valdið aukinni andlegri ávanabindingu.

Gæta skal varúðar ef alprazólam er notað samhliða öðrum geðlyfjum sem hafa bælandi áhrif á miðtaugakerfið. Aukin bæling á virkni miðtaugakerfisins getur komið fram við samhliða notkun geðlyfja, svo sem sefandi lyfja, svefnlyfja, róandi lyfja, vissra þunglyndislyfja, ópíóíða, flogaveikilyfja og slævandi H1-andhistamína.

Slævandi áhrif lyfsins aukast einnig við samhliða notkun svefnlyfja, flogaveikilyfja, deyfilyfja og clonidíns.

Milliverkanir geta komið fram ef alprazólam er notað samhliða lyfjum sem hemja lifrarensímið CYP3A4.

Gæta skal varúðar við samhliða notkun alprazólams og öflugra CYP3A4 hemla, þ.m.t. azól sveppalyf (ketókónazól, ítrákónazól, posakónazól, vorikónazól), próteasahemla og vissra makrólíða (erythrómýsín, klaríthrómýsín og telithróymýsín) og huga að verulegri skammtaminnkun.

#### **Flogaveikilyf:**

Karbamazepín, fenýtóín, rifampisín og önnur efnasambönd sem virkja CYP3A4, hraða umbrotum alprazólams. Samhliða gjöf slíkra efnasambanda getur minnkað meðferðaáhrif alprazólams.

Efnasambönd sem hemja CYP3A4 eins og címetidín, klaritrómýsín, klózapín, diltiazem, erýtromýsín, flúoxetín, flúvoxamín, ítrakónazól, ketokónazól, nefazódon, rítónavír og greipaldinsafi draga úr umbrotshraða alprazólams. Samhliða gjöf slíkra efna getur valdið auknum lyfjafræðilegum áhrifum alprazólams. Nauðsynlegt getur verið að minnka skammt alprazólams.

Milliverkanir milli HIV-prótínasahemla (t.d. rítónavírs) og alprazólams eru flóknar og háðar tíma. Litlir skammtar af rítónavíri draga mjög úr útskilnaði alprazólams um nýru, lengja helmingunartíma brotthvarfs ( $E_{1/2}$ ) og auka klínísk áhrif lyfsins. Við langvarandi útsetningu fyrir rítónavíri jafnast lenging brotthvarfstímans hins vegar út með virkjun (induction) CYP3A. Nauðsynlegt er að minnka skammta eða hætta meðferð með Tafil vegna þessarar milliverkunar.

Gæta skal varúðar ef alprazólam er notað samhliða própoxýfeni eða getnaðarvarnarlyfjum til inntöku.

#### *Digoxín:*

Greint hefur verið frá aukinni plasmaþéttni digoxíns við samhliða notkun 1 mg alprazólams á sólarhring, einkum hjá öldruðum ( $>65$  ára). Því skal fylgjast vel með sjúklingum sem fá samhliða meðferð með alprazólami og digoxíni m.t.t. einkenna um digoxíneitrun.

## 4.6 Frjósemi, meðganga og brjósttagjöf

### Meðganga

Alprazólam skal eingöngu nota á meðgöngu ef brýna nauðsyn ber til.

Viðamiklar upplýsingar, sem byggðar eru á ferilrannsóknum (cohort studies), benda til þess að útsetning fyrir benzódíazepínum á fyrsta þriðjungi meðgöngu tengist ekki aukinni hættu á alvarlegri vansköpun. Einhverjar eldri faraldsfræðilegar tilfella-viðmiðarannsóknir (case-control epidemiological studies) hafa hins vegar greint hættu á klofnum góum eða skarði í vör. Upplýsingarnar bentu til þess að hætta á fæðingu ungbarns með klofnum góum eða skarð í vör, eftir útsetningu móður fyrir benzódíazepíni á meðgöngu, væri innan við 2/1.000 samanborið við hlutfallið 1/1.000, hjá heilbrigðum einstaklingum. Meðferð með benzódíazepíni í stórum skömmum á öðrum og þriðja þriðjungi meðgöngu hefur leitt í ljós minni hreyfingu fósturs (active movement) og frávik í hjartslætti hjá fóstrum. Þegar veita þarf meðferð af læknisfræðilegum ástæðum á síðasta hluta meðgöngu, jafnvel í litlum skömmum, getur komið fram ungbarnaslekja (floppy infant syndrome), svo sem víðtæk minnkuð vöðvaspenna (axial hypotonia) og sogvandamál sem leiða til líttillar þyngdaraukningar. Þessi einkenni ganga til baka en geta varað í 1-3 vikur, eftir því hver helmingunartími lyfsins er. Við stóra skammta getur öndunarbæling eða öndunarstöðvun og ofkæling komið fram hjá nýburanum. Fráhvarfseinkenni geta komið fram hjá nýburanum, eins og oförvun, æsingur og skjálfti fáeinum dögum eftir fæðingu, þó svo að ungbarnaslekja hafi ekki komið fram. Það ræðst af helmingunartíma lyfsins hvort fráhvarfseinkenni koma fram.

Konur á barneignaraldri skulu nota örugga getnaðarvörn meðan á meðferð stendur. Í því sambandi er athygli vakin á milliverkunum milli getnaðarvarnartaflna og benzódíazepína (sjá kafla 4.5).

Ef lyfinu er ávísað konum á barneignaaldri skal hvetja þær til að hafa samband við lækni varðandi það að hætta meðferð ef þær áforma að verða þungaðar eða grunar að þær séu þungaðar.

Ef meðferð með alprazólami er nauðsynleg á síðasta hluta meðgöngu skal forðast stóra skammta og fylgjast með fráhvarfseinkennum og ungbarnaslekju hjá nýburanum.

### Brjósttagjöf

Tafil skilst út í brjóstamjólk í litlu magni. Ekki er ráðlagt að nota Tafil meðan á brjósttagjöf stendur.

## 4.7 Áhrif á hæfni til aksturs og notkunar véla

Tafil getur vegna aukaverkana (eins og slævingar, minnisleysis, skertrar einbeitingar og minni samhæfingar vöðvahreyfinga) haft veruleg áhrif á hæfni til aksturs eða notkunar véla.

Þessi áhrif aukast enn frekar við notkun áfengis. Ef svefními er of stuttur aukast líkur á skertri árverkni (sjá kafla 4.5).

## 4.8 Aukaverkanir

Algengasta aukaverkunin er syfja sem kemur fyrir hjá meira en 10% meðhöndlaðra, en minnkar venjulega eftir nokkra daga eða þegar skammtar eru minnkaðir.

Eftirfarandi aukaverkanir hafa komið fram við alprazólammeðferð í eftirfarandi tíðni: Mjög algengar ( $\geq 1/10$ ); algengar ( $\geq 1/100$  til  $<1/10$ ); sjaldgæfar ( $\geq 1/1.000$  til  $<1/100$ ); mjög sjaldgæfar ( $\geq 1/10.000$  til  $1/1.000$ ); koma örsjaldan fyrir ( $<1/10.000$ ), tíðni ekki þekkt (ekki hægt að áætla tíðni út frá fyrirliggjandi gögnum).

<i>MedDRA flokkun eftir líffærum</i>	<i>Aukaverkun</i>
<b>Sýkingar af völdum sýkla og sníkjudýra</b> Algengar ( $\geq 1/100$ til $<1/10$ )	Sýkingar í efri hluta öndunarfæra.
<b>Blóð og eitlar</b> Sjaldgæfar ( $\geq 1/1.000$ til $<1/100$ )  Tíðni ekki þekkt (ekki hægt að áætla tíðni út frá fyrirliggjandi gögnum)	Aukin tilhneiting til marblettu.  Kyrningahrap.
<b>Innkirtlar</b> Tíðni ekki þekkt (ekki hægt að áætla tíðni út frá fyrirliggjandi gögnum)	Ofmyndun prólaktíns.
<b>Efnaskipti og næring</b> Algengar ( $\geq 1/100$ til $<1/10$ )	Aukin matarlyst, minnkuð matarlyst.
<b>Geðræn vandamál</b> Mjög algengar ( $\geq 1/10$ )  Algengar ( $\geq 1/100$ til $<1/10$ )  Sjaldgæfar ( $\geq 1/1.000$ til $<1/100$ )  Tíðni ekki þekkt (ekki hægt að áætla tíðni út frá fyrirliggjandi gögnum)	Pirringur, þunglyndi <sup>1</sup> , svefntruflanir.  Aukin eða minnkuð kynhvöt, sjálfshvarf (depersonalisation), svefnleysi, taugaveiklun, rofin raunveruleikatengsl, ótti, ruglun, vistarfiring, geðdeyfð, kvíði.  Óeðlilegar draumfarir, uppnám, málæði, hvatvísí, reiði, árásarhneigð, ofskynjanir, oflæti, skynhreyfibroskahefting (psychomotor retardation), martraðir, eirðarleysi, hæg hugsun (bradyphrenia), sélutilfinning, vansæld (anhedonia), skortur á kynferðislegri fullnaægingu, lyndisröskun (affective disorder), ofsahræðsla, ávanabinding.  Þversagnarkennd viðbrögð við lyfjum <sup>2</sup> , fjandsamleg hegðun, ólmhugur, óeðlileg hugsun, yfirdrifin árvekni, breytt kynhvöt,

	lyfjamisnotkun*.
<b>Taugakerfi</b> Mjög algengar ( $\geq 1/10$ )  Algengar ( $\geq 1/100$ til $<1/10$ )  Sjaldgæfar ( $\geq 1/1.000$ til $<1/100$ )  Tíðni ekki þekkt (ekki hægt að áætla tíðni út frá fyrirliggjandi gögnum)	Höfuðverkur, syfja, skert minni, sundl, tormæli, minnkuð samhæfing, slæving.  Breytt húðskyn, hreyfitruflun (dyskinesia), samhæfingarörðuleikar, skjálfti, jafnvægistruflanir, einbeitingartruflun, aukin svefnþörf, svefnhöfgi.  Yfirlið, minnisleysi <sup>3</sup> , krampar, klaufska, bragðtruflanir, hlutaflog (partial seizures), hugstol (stupor).  Hvíldarópol, truflun á vitsmunum, truflun á æðastjórnun, ósjálfráðir krampar, trufluð vöðvaspenna, ofvirkni.
<b>Augu</b> Algengar ( $\geq 1/100$ til $<1/10$ )  Sjaldgæfar ( $\geq 1/1.000$ til $<1/100$ )	Pokusýn.  Tvísýni, sjóntruflanir.
<b>Eyr og völundarhús</b> Algengar ( $\geq 1/100$ til $<1/10$ )	Eyrnasuð.
<b>Hjarta</b> Algengar ( $\geq 1/100$ til $<1/10$ )  Tíðni ekki þekkt (ekki hægt að áætla tíðni út frá fyrirliggjandi gögnum)	Hjartsláttarónot.  Hraðtaktur.
<b>Aeðar</b> Algengar ( $\geq 1/100$ til $<1/10$ )  Tíðni ekki þekkt (ekki hægt að áætla tíðni út frá fyrirliggjandi gögnum)	Hitakóf.  Lágþrýstingur.
<b>Öndunarfæri, brjósthol og miðmæti</b> Algengar ( $\geq 1/100$ til $<1/10$ )  Tíðni ekki þekkt (ekki hægt að áætla tíðni út frá fyrirliggjandi gögnum)	Nefstífla, oföndun.  Þrenging öndunarvegar.
<b>Meltingarfæri</b> Mjög algengar ( $\geq 1/10$ )  Algengar ( $\geq 1/100$ til $<1/10$ )  Tíðni ekki þekkt (ekki hægt að áætla tíðni út frá fyrirliggjandi gögnum)	Munnþurrkur, hægðatregða.  Aukin munvatnsframleiðsla, uppköst, óþægindi í kviðarholi, niðurgangur, ógleði, kviðverkir.  Minnkuð munvatnsframleiðsla.

<b>Lifur og gall</b> Tíðni ekki þekkt (ekki hægt að áætla tíðni út frá fyrirliggjandi gögnum)	Óeðlileg lifrarstarfsemi, gula, lifrabólga.
<b>Húð og undirhúð</b> Algengar ( $\geq 1/100$ til $<1/10$ )  Sjaldgæfar ( $\geq 1/1.000$ til $<1/100$ )  Tíðni ekki þekkt (ekki hægt að áætla tíðni út frá fyrirliggjandi gögnum)	Ofsvitnun, húðbólga, kláði.  Útbrot.  Ofnæmisviðbrögð í húð, ofsjúgur, ljósnæmi.
<b>Stoðkerfi og bandvefur</b> Algengar ( $\geq 1/100$ til $<1/10$ )  Sjaldgæfar ( $\geq 1/1.000$ til $<1/100$ )  Tíðni ekki þekkt (ekki hægt að áætla tíðni út frá fyrirliggjandi gögnum)	Vöðvakippir, vöðvakrampar, bakverkur, liðverkir, vöðvaverkir.  Vöðvastirðleiki, vöðvamáttleysi, verkir í útlimum.  Truflun á vöðvaspennu.
<b>Nýru og þvagfæri</b> Sjaldgæfar ( $\geq 1/1.000$ til $<1/100$ )  Tíðni ekki þekkt (ekki hægt að áætla tíðni út frá fyrirliggjandi gögnum)	Þvagleki, undirmiga, óeðlilega tíð þvaglát.  Þvagtregða, erfiðleikar við þvaglát.
<b>Æxlunarfæri og brjóst</b> Algengar ( $\geq 1/100$ til $<1/10$ )  Sjaldgæfar ( $\geq 1/1.000$ til $<1/100$ )	Kynlífstruflun (sexual dysfunction).  Sáðlátstruflanir, ristruflanir, tíðatruflanir.
<b>Almennar aukaverkanir og aukaverkanir á íkomustað</b> Mjög algengar ( $\geq 1/10$ )  Algengar ( $\geq 1/100$ til $<1/10$ )  Sjaldgæfar ( $\geq 1/1.000$ til $<1/100$ )  Tíðni ekki þekkt (ekki hægt að áætla tíðni út frá fyrirliggjandi gögnum)	Preyta.  Bjúgur, þróttleysi, brjóstverkur.  Óeðlileg tilfinning, gangtruflanir, vímutilfinning, taugaspennu-/spennutilfinning, afslöppunartilfinning, timburmenn, inflúensulík einkenni, óraunveruleg tilfinning, tregða, þorsti, fráhvarfsheilkenni*.  Hitatilfinning, útlimabjúgur.
<b>Rannsóknaniðurstöður</b> Algengar ( $\geq 1/100$ til $<1/10$ )  Sjaldgæfar ( $\geq 1/1.000$ til $<1/100$ )  Tíðni ekki þekkt (ekki hægt að áætla tíðni út frá fyrirliggjandi gögnum)	Þyngdaraukning, þyngdartap.  Hækkað gildi gallrauða í blóði.  Hækkaður augnþrýstingur.

<b>Áverkar, eitranir og fylgikvillar aðgerðar</b>	
Algengar ( $\geq 1/100$ til $<1/10$ )	Hætta á umferðarslysum.
Sjaldgæfar ( $\geq 1/1.000$ til $<1/100$ )	Fall, áverkar á útlínum, ofskömmtu.

\*Aukaverkun sem komið hefur fram eftir markaðssetningu.

Notkun (jafnvel í ráðlöggum skömmtu) getur valdið líkamlegri fíkn. Fráhvarfseinkenni og endurkoma einkenna geta komið fram þegar meðferð er hætt (sjá einnig kafla 4.4). Andleg fíkn getur einnig átt sér stað. Tilkynnt hefur verið um misnotkun á benzódíazepínnum (sjá kafla 4.4). Ef meðferð er hætt snögglega getur komið fram sjúklegt eirðarleysi, svefntruflanir og krampar.

Í mörgum þeirra tilvika þar sem tilkynnt var um aukaverkanir höfðu sjúklingar fengið önnur lyf sem verka á miðaugakerfið samtímis alprazólamí og/eða voru með undirliggjandi geðsjúkdóm. Sjúklingar með jaðarpersónuleikaröskun (borderline personality disorder), sögu um ofbeldis- eða árásarhneigð eða misnotkun áfengis eða lyfja geta átt á hættu að fá þessar aukaverkanir. Pirringur, óvild og óæskilegar hugsanir hafa komið fram þegar notkun alprazólam er hætt hjá sjúklingum með áfallastreituröskun.

#### **<sup>1</sup>Punglyndi:**

Undirliggjandi þunglyndi getur komið fram við notkun benzódíazepílyfja (sjá einnig kafla 4.4).

#### **<sup>2</sup>Pversagnarkennd viðbrögð við lyfjum:**

Viðbrögð, svo sem eirðarleysi, uppnám, pirringur, árásargirni, ranghugmyndir, ofsareiði, martraðir, ofskynjanir, geðrof, óviðeigandi hegðun og önnur hegðunarvandamál, hafa komið fram við notkun benzódíazepílyfja. Þau geta orðið mjög alvarleg eftir notkun lyfsins. Þessar aukaverkanir koma oftar fram hjá öldruðum.

#### **<sup>3</sup>Minnisleysi:**

Framvirkta minnisleysi getur komið fram eftir ráðlagða skammta. Hættan eykst með auknum skammti. Minnisleysi getur fylgt undarleg hegðun (sjá einnig kafla 4.4).

#### Tilkynning aukaverkana sem grunur er um að tengist lyfinu

Eftir að lyf hefur fengið markaðsleyfi er mikilvægt að tilkynna aukaverkanir sem grunur er um að tengist því. Pannig er hægt að fylgjast stöðugt með sambandinu milli ávinnings og áhættu af notkun lyfsins. Heilbrigðisstarfsmenn eru hvattir til að tilkynna allar aukaverkanir sem grunur er um að tengist lyfinu til Lyfjastofnunar, [www.lyfjastofnun.is](http://www.lyfjastofnun.is).

## 4.9 Ofskömmtu

Eins og við á um önnur benzódíazepín lyf ætti ofskömmtu ekki að vera lífshættuleg nema við notkun ásamt öðrum lyfjum sem hafa bælandi áhrif á miðaugakerfi (þ.m.t. áfengi).

Við meðferð ofskömmtar allra lyfja skal hafa í huga að fleiri lyf hafa hugsanlega verið tekin.

Í kjölfar ofskömmtar með benzódíazepínnum til inntoku skal framkalla uppköst (innan klukkustundar) ef sjúklingur er með meðvitund. Ef sjúklingur er meðvitundarlaus skal framkvæma magatæmingu og tryggja að öndunarvegur haldist opinn með barkaþræðingu.

Ef ástand sjúklings lagast ekki við magatæmingu skal gefa virk lyfjakol til að minnka upptökuna og ef nauðsynlegt er að hafa þau áfram í maganum, ásamt hægðarlyfi. Ástandið getur varað í langan tíma ef skammturinn sem tekinn var inn hefur verið stór. Hvorki skal beita þvagræsingu né blóðskilun. Sérstaklega skal fylgjast með starfsemi öndunararfæra og hjarta-og æðakerfis á gjörgæsludeild.

Ofskömmtu benzódíazepína kemur yfirleitt fram sem mismikil bæling á miðaugakerfi, frá syfju að dái. Í vægum tilvikum eru einkenni m.a. syfja, andlegt rugl og svefnndruni. Í alvarlegri tilvikum geta

einkenni verið m.a. hreyfiglög, minnkuð vöðvaspenna, lágþrýstingur, öndunarbaeling, mjög sjaldan dá og örsjaldan dauðsfall.

Flumazenil getur komið að gagni sem mótflyf. Flumazenil má nota til viðbótar gegn áhrifum á öndunarfæri og blóðrás vegna ofskömmtunar.

## 5. LYFJAFRÆÐILEGAR UPPLÝSINGAR

### 5.1 Lyfhrif

Flokkun eftir verkun: Benzódíazepínafleiður, ATC-flokkur: N 05 B A 12.

Alprazólam er tríazólóbenzódíazepín sem binst sértækum benzódíazepíniðökum í heila, sem staðsettir eru hjá GABA-viðtaka-klórganga-fléttunni. Við það eykst verkun GABA-kerfisins.

### 5.2 Lyfjahvörf

#### Frásog

Frásogast hratt eftir inntöku.

#### Dreifing

Hámarksþéttini í plasma næst eftir 1-2 klst. og þéttini í plasma er í hlutfalli við gefinn skammt. Próteinbinding er 70-80 %.

#### Umbrot

Umbrotnar í lifur og myndast þá einkum virku umbrotsefnin alfa-hýdroxý-alprazólam og dímetyl-alprazólam. Þéttni umbrotsefnanna í plasma er svo lítil að þau hafa ekki klínisk áhrif.

#### Brotthvarf

Brotthvarf verður einkum með þvagi eftir glúkúrontengingu. Helmingunartími útskilnaðar er nálægt 12 klst. Við skerta lifrarstarfsemi lengist helmingunartíminn.

### 5.3 Forklínískar upplýsingar

Alprazólam reyndist ekki valda stökkbreytingum í Ames *in vitro* prófi. Í *in vivo* örkjarnaprófi hjá rottum olli alprazólam ekki litningabreytingum við stærsta skammt sem prófaður var, 100 mg/kg, sem er 500 sinnum stærri en hámarks ráðlagður dagskammtur handa mönnum, 10 mg/dag.

Í rannsókn á krabbameinsvaldandi áhrifum alprazólams, sem stóð í 2 ár, var ekki sýnt fram á hugsanleg krabbameinsvaldandi áhrif hjá rottum sem fengu skammta allt að 30 mg/kg/dag (150 sinnum stærri en hámarks ráðlagður dagskammtur handa mönnum, 10 mg/dag) eða músum sem fengu skammta allt að 10 mg/kg/dag (50 sinnum stærri en hámarks ráðlagður dagskammtur handa mönnum, 10 mg/dag).

Alprazólam hafði ekki áhrif á frjósemi hjá rottum við stærsta skammt sem prófaður var, 5 mg/kg/dag, sem er 25 sinnum stærri en hámarks ráðlagður dagskammtur handa mönnum, 10 mg/dag.

Þegar rottum var gefið alprazólam til inntöku í skömmtunum 3, 10 og 30 mg/kg/dag (15 til 150 sinnum stærri en hámarks ráðlagður dagskammtur handa mönnum, 10 mg/dag) í 2 ár, kom fram tilhneiting til skammtaháðrar aukningar á tíðni skyðs á augasteini hjá kvenrottum og æðamyndun í hornhimnu hjá karlrottum. Þessar breytingar komu ekki fram fyrr en eftir 11 mánaða meðferð.

Í rannsókn á eitrunaráhrifum eftir endurtekna skammta hjá hundum (12 mánuði) og við háa skammta um munn komu fram krampar sem leiddu til dauða í nokkrum tilfellum. Hvort þetta hafi þýðingu fyrir menn er óljóst.

Útsetning fyrir benzódíazepínlyfjum hjá rottu- og músafóstrum fyrir fæðingu, þar með talin útsetning fyrir alprazólami, er talin tengjast breyttri hegðun síðar í lífi dýranna. Ekki er þekkt hvort þetta hafi þýðingu fyrir menn.

## **6. LYFJAGERÐARFRÆÐILEGAR UPPLÝSINGAR**

### **6.1 Hjálparefni**

Örkristallaður sellulósi, laktósi, magnesíumsterat, maíssterkja, natríumbensóat (E211), natríumdókúsát, vatnsfrí kísilkvoða.

0,5 mg: Erytrósín, E 127.

1 mg töflur: Indigótín I E 132, erytrósín E 127.

### **6.2 Ósamrýmanleiki**

Á ekki við.

### **6.3 Geymsluþol**

0,25 mg: 2 ár.

0,5 mg. 1 mg: 3 ár.

### **6.4 Sérstakar varúðarreglur við geymslu**

Geymið við lægri hita en 25°C.

### **6.5 Gerð íláts og innihald**

Þynnupakkning.

Pakkningastærðir:

0,25 mg: 20, 50 og 100 stk.

0,5 mg: 20, 50 og 100 stk.

1 mg: 20, 50 og 100 stk.

Ekki er víst að allar pakkningastærðir séu markaðssettar.

### **6.6 Sérstakar varúðarráðstafanir við förgun og önnur meðhöndlun**

Engin sérstök fyrirmæli.

## **7. MARKAÐSLEYFISHAFI**

Viatris ApS

Borupvang 1

2750 Ballerup

Danmörk

## **8. MARKAÐSLEYFISNÚMER**

0,25 mg: MTnr 802634 (IS).

0,5 mg: MTnr 802633 (IS).

1 mg: MTnr 880115 (IS).

## **9. DAGSETNING FYRSTU ÚTGÁFU MARKAÐSLEYFIS/ENDURNÝJUNAR MARKAÐSLEYFIS**

Dagsetning fyrstu útgáfu markaðsleyfis: 1. apríl 1987.

Nýjasta dagsetning endurnýjunar markaðsleyfis: 5. maí 2008.

## **10. DAGSETNING ENDURSKOÐUNAR TEXTANS**

30. ágúst 2024.